

გ ა ნ კ ა რ გ უ ლ ე ბ ა № 27

14 სექტემბერი 2008 წელი

ქ. ბათუმი

**პარტიისა და მისი წამომადგენლისათვის საარჩევნო
რეგისტრაციაზე უარის თქმის შესახებ**

იმის გათვალისწინებით, რომ პოლიტიკურმა გაერთიანებამ „ჩვენი ქვეყანა“ აჭარის ავტონომიური რესპუბლიკის უმაღლეს საარჩევნო კომისიაში აჭარის ავტონომიური რესპუბლიკის უმაღლესი საბჭოს 2008 წლის 3 ნოემბრის არჩევნებისათვის რეგისტრაციაში გატარების მოთხოვნით განცხადება წარმოადგინა დადგენილი ვადის დარღვევით, კერძოდ, არჩევნებში მონაწილეობის უფლების მისაღებად პარტიას მისი ხელმძღვანელი პირის მიერ ხელმოწერილი განცხადება უნდა წარმოედგინა არჩევნების დღემდე არაუგვიანეს 57-ე დღისა. აღნიშნულიდან გამომდინარე, დარღვეულია „აჭარის ავტონომიური რესპუბლიკის უმაღლესი საბჭოს არჩევნების შესახებ“ აჭარის ავტონომიური რესპუბლიკის კანონის 44-ე მუხლის პირველი პუნქტის მოთხოვნები.

„აჭარის ავტონომიური რესპუბლიკის უმაღლესი საბჭოს არჩევნების შესახებ“ აჭარის ავტონომიური რესპუბლიკის კანონის 44-ე მუხლის პირველი, 80-ე მუხლის მე-5 პუნქტი, 80¹ მუხლის მე-9 პუნქტის შესაბამისად, **ვადგენ:**

1. უარი ეთქვას აჭარის ავტონომიური რესპუბლიკის უმაღლესი საბჭოს 2008 წლის 3 ნოემბრის არჩევნებისათვის საარჩევნო რეგისტრაციაზე პოლიტიკურ გაერთიანებას „ჩვენი ქვეყანა“ და მის წამომადგენელს ნიკოლოზ ღუდუნეიშვილს.

2. ეს განკარგულება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი მიღებიდან 1 კალენდარული დღის ვადაში.

3. ეს განკარგულება ამოქმედდეს ხელმოწერისთანავე.

კომისიის თავმჯდომარე

ა. მიქელაძე